

**STENOGRAM KONSTITUIRAJUĆE SJEDNICE
SKUPŠTINE KANTONA SARAJEVO
ODRŽANE 11.11.2022.GODINE**

Elvedin Okerić (Predsjedavajući)

Poštovane dame i gospodo, uvažene zastupnice i zastupnici, članovi Vlade, cijenjeni gosti, poštovani mediji, otvaram Konstituirajuću sjednicu Skupštine Kantona Sarajevo.

HIMNA BOSNE I HERCEGOVINE

Zadovoljstvo mi je pozdraviti novoizabrane zastupnice i zastupnike u Skupštini Kantona Sarajevo, kao i sve one koji su tu dužnost obnašali do sada, članove Vlade Kantona Sarajevo i predstavnike medija koji prate rad današnje Konstituirajuće sjednice.

Poseban pozdrav gledaocima Televizije Kantona Sarajevo.

Dnevni red Konstituirajuće sjednice Skupštine Kantona Sarajevo glasi:

1. Konstituisanje Skupštine Kantona Sarajevo:
 - a) uručivanje Uvjerenja o dodjeli mandata poslanika/zastupnika u Skupštini Kantona Sarajevo;
 - b) davanje i potpisivanje svečane izjave poslanika/zastupnika u Skupštini Kantona Sarajevo;
2. Donošenje Odluke o izboru Komisije za izbor i imenovanja i administrativna pitanja Skupštine Kantona Sarajevo;
3. Konstituisanje klubova naroda i kluba Ostalih u Skupštini Kantona Sarajevo;
4. Izbor delegata u Dom naroda Parlamenta Federacije BiH;
5. Donošenje Odluke o potvrđivanju kandidata za izbor predsjedavajućeg ili zamjenika predsjedavajućeg Skupštine Kantona Sarajevo.

Prelazimo na prvu tačku dnevnog reda.

AD – 1.

KONSTITUISANJE SKUPŠTINE KANTONA SARAJEVO:

- a) uručivanje Uvjerenja o dodjeli mandata poslanika/zastupnika u Skupštini Kantona Sarajevo;
- b) davanje i potpisivanje svečane izjave poslanika/zastupnika u Skupštini Kantona Sarajevo.

Sada ćemo zamoliti predsjednika Centralne izborne komisije gospodina Arnautović Suada da se obrati Skupštini i da uruči uvjerenja o dodjeli mandata novoizabranim zastupnicama i zastupnicima u Skupštini Kantona Sarajevo, izvolite.

Suad Arnautović (predsjednik CIK BIH)

Uvaženi predsjedniče Skupštine, gospodine Okerić, poštovani zastupnici, dame i gospodo. Zadovoljstvo mi je što sam danas ovdje sa vama na konstituirajućoj sjednici Kantonalne skupštine Sarajevskog kantona. Na početku želim da u svoje osobno ime i u ime Centralne izborne komisije Bosne i Hercegovine čestitam svim novoizabranim zastupnicima na izbornom uspjehu. Poznato vam je da je Centralna izborna komisija Bosne i Hercegovine dana 2. 11. 2022. godine donijela Odluku o potvrđivanju rezultata Općih izbora u Bosni i Hercegovini 2022. godine, te da su tom Odlukom obuhvaćeni rezultati za Kanton Sarajevo. Odluka o potvrđivanju rezultata Općih izbora 2022. godine objavljena je u Službenom glasniku Bosne i Hercegovine broj 73/22 od 2. 11. 2022. godine.

Izražavam nadu i uvjerenje da ćete u narednom četverogodišnjem mandatnom periodu opravdati povjerenje koje ste dobili od svojih glasača i želim vam puno sreće u tome. Skupština Kantona Sarajevo je prva jedina u Federaciji Bosne i Hercegovine koja je još u januaru 2013. godine donijela Amandman na Ustav Kantona Sarajevo kojim je zagarantirala 1 poslaničko mjesto pripadnicima nacionalnih manjina u Kantonu Sarajevo. Nažalost ta odredba iz člana 17. stav (2) Ustava Kantona Sarajevo još uvijek nije implementirana i na taj način osigurana politička predstavljenost pripadnika nacionalnih manjina koje krase ovaj Kanton i koje održavaju multikulturalnost i multietničnost Sarajevskog kantona. Pozivam vas da u ovom četverogodišnjem mandatu i to pitanje riješite.

Posao koji nam slijedi odmah nakon konstituirajuće sjednice Skupštine ovog Kantona je izbor delegata u Domu naroda Parlamenta Federacije Bosne i Hercegovine. U skladu sa odredbama Izbornog zakona Bosne i Hercegovine ovaj posao treba biti završen u roku od mjesec dana od dana potvrđivanja izbornih rezultata a tzn. najkasnije do 2. decembra ove godine. Također bih želio bih podsjetiti da su izabrani zvaničnici dužni u roku od 30 dana od dana objave potvrđenih rezultata u Službenom glasniku Bosne i Hercegovine izvršiti elektronski unos podataka u Obrazac izjave o imovinskom stanju putem aplikacije koja je objavljena na internetskoj stranici Centralne izborne komisije Bosne i Hercegovine. Popunjeni obrazac izjave izabrani zvaničnik dostavlja Centralnoj izbornoj komisiji Bosne i Hercegovine u elektronskoj formi zašto se koristi aplikacija, a potom se imovinski karton štampa i potpisan dostavlja Centralnoj izbornoj komisiji Bosne i Hercegovine na verifikaciju. Ovom procedurom završava ciklus predaje podataka na imovinskom kartonu. Vi ste drugi Kanton, jučer je to bio Tuzlanski, u Federaciji koji je u roku propisanim Ustavom Federacije Bosne i Hercegovine sazvao konstituirajuću sjednicu Skupštine. Čestitam vam na tome, ali želim vam da u interesu i na dobrobit građana Kantona Sarajevo, Federacije Bosne i Hercegovine i države Bosne i Hercegovine uvijek i u svemu budete prvi.

Vama osobno i članovima vaših porodica želim dobro zdravlje i uspjeh u radu i svekoliki napredak. Živjela Bosna i Hercegovina, naša domovina. Hvala.

Elvedin Okerić (Predsjedavajući)

Ja ću sada čitati imena poslanika/zastupnika i vi ćete izlaziti za govornicu gdje će vam predstavnici Centralne izborne komisije, zamolio bih člana Centralne izborne komisije gospodinu Željku Bakalara da nam se pridruži, gdje će članovi Izborne komisije uručivati uvjerenja, a zamolio bi zastupnice i zastupnike koji budu preuzimali uvjerenja da nam se zbog novinara ovaj okrenu prema njima kako bi se mogli fotografisati.

Gospodin Ademović Kemal.

Gospodin Bandić Muamer.

Zastupnica Bešlija Vildana.

Zastupnik Čampara Aljoša.

Zastupnik Čengić Irfan.

Zastupnik Čičić Davor.

Zastupnik Dević Mahir.
Zastupnica Gavrankapetanović Smailbegović Fatima.
Zastupnik Handžić Vibor.
Zastupnica Hašimbegović Marijela.
Zastupnica Hodžić Arnela.
Zastupnica Izetbegović Srbija.
Zastupnik Kalem Adi.
Zastupnik Kapidžić Faruk.
Zastupnica Klarić Sanela.
Zastupnica Kristić Danijela.
Zastupnik Marjanović Damir.
Zastupnica Melank Miomirka.
Zastupnica Memić Arijana.
Zastupnik Okerić Elvedin.
Zastupnica Pekić Jelena.
Zastupnik Pilav Ilijaz.
Zastupnik Pobrić Rusmir.
Zastupnik Selmanović Faruk.
Zastupnik Stojanović Igor.
Zastupnik Šaljić Jasmin.
Zastupnik Uk Nihad.
Zastupnica Viteškić Smiljana.
Zastupnik Vreto Elvis.
Zastupnica Vujović Vedrana.
Zastupnik Zahiragić Haris.
Zastupnik Zuhrić Albin.

Zahvaljujem svima. Zahvaljujem se svima, nastavljamo dalje sa Konstituirajućom sjednicom.

b)

U skladu sa odredbama člana 8. stav (2) Poslovnika Skupštine Kantona Sarajevo zastupnici preuzimaju dužnost zajedničkim davanjem i pojedinačnim potpisivanjem Svečane izjave.

Molim zastupnike i zastupnice da daju Svečanu izjavu na taj način što ću ja tekst Svečane izjave čitati a vi ponavljati. Molim vas da ustanete.

"Svečano izjavljujem da ću povjerenu dužnost obavljati savjesno.

Pridržavati se Ustava i zakona Bosne i Hercegovine, Federacije Bosne i Hercegovine i Kantona Sarajevo, zalagati se za ljudska prava i slobode i da ću u svim prilikama štiti interese Bosne i Hercegovine, Federacije Bosne i Hercegovine i Kantona Sarajevo i ravnopravnost naroda građana koji u njima žive".

Poštovanim novoizabranim zastupnicama i zastupnicima u Skupštini Kantona Sarajevo od srca čestitam preuzete mandate. Želim vam sreću i uspjeh u narednom zastupničkom angažmanu. Također vam želim da ostvarite dobru, nadasve kolegijalnu saradničku klimu, koja je neophodna za prosperitetan rad.

Želim vam uspjeh i sreću na putu ostvarenja profesionalnih i privatnih životnih ciljeva.

Koristim također priliku da se zahvalim zastupnicama i zastupnicima u prethodnom sazivu Skupštine Kantona Sarajevo.

Prelazimo na tačku 2 dnevnog reda.

AD – 2.

DONOŠENJE ODLUKE O IZBORU KOMISIJE ZA IZBOR I IMENOVANJA I ADMINISTRATIVNA PITANJA SKUPŠTINE KANTONA SARAJEVO

Prije sazivanja Konstituirajuće sjednice održan je sastanak predstavnika političkih partija koje participiraju u Skupštini Kantona na kojem su predstavnici političkih partija dostavili imena predstavnika koji bi ušli u sastav Komisije, a prijedlog je da se za predsjedavajućeg izabere Elvedin Okerić, za zamjenika predsjedavajućeg Vibor Handžić, te za članove Davor Čičić, Damir Marjanović, Muamer Bandić, Mahir Dević, i Ilijaz Pilav.

Komisija za izbor i imenovanja i administrativna pitanja Skupštine Kantona Sarajevo osim nadležnosti iz člana 37. Poslovnika, obavljaće i poslove u vezi sa izborom delegata u Dom naroda Parlamenta Federacije BiH.

Ima li pitanja? Otvaram raspravu.

Zaključujem raspravu i molim da se izjasnimo o Prijedlogu odluke o izboru Komisije za izbor i imenovanja i administrativna pitanja Skupštine Kantona Sarajevo.

ZA JE GLASALO 29, PROTIV I SUZDRŽANIH NIJE BILO.

Konstatujem da je Skupština donijela Odluku o izboru Komisije za izbor i imenovanja i administrativna pitanja Skupštine Kantona Sarajevo.

S obzirom da nekoliko izabranih zastupnika nije prihvatilo mandate, potrebno je da Centralna izborna komisija donese Odluku o dodjeli mandata sljedećim kvalificiranim kandidatima i izda Uvjerenja o dodjeli mandata.

Shodno tome, sada ćemo prekinuti sjednicu u skladu sa dogovorom koji su postigli predstavnici stranaka, a o nastavku Konstituirajuće sjednice bit ćete blagovremeno obaviješteni. Hvala.

**STENOGRAM NASTAVKA KONSTITUIRAJUĆE SJEDNICE
SKUPŠTINE KANTONA SARAJEVO
ODRŽANE 21.11.2022.GODINE**

Elvedin Okerić (Predsjedavajući)

U skladu sa članom 7 stav (2) Poslovnika Skupštine Kantona Sarajevo otvaram nastavak Konstituirajuće sjednice Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade, uvažene goste, kao i predstavnike medija koji prate današnju sjednicu. Poseban pozdrav upućujem gledaocima Televizije Kantona Sarajevo. Svima nama želim uspješan rad i ugodnu radnu atmosferu.

Prema evidenciji službe sjednici prisustvuje 34 zastupnika, što je dovoljan broj za punovažan rad i odlučivanje. Izostanak sa ove sjednice pravdala je zastupnica Sanela Klarić.

Podsjećam vas da smo na prethodnom zasjedanju koje je održano 11. 11. 2022.godine obradili prve dvije tačke dnevnog reda tako da nam preostaju sljedeće tačke:

3. Konstituisanje klubova naroda i kluba Ostalih u Skupštini Kantona Sarajevo.

4. Izbor delegata u Domu naroda Parlamenta Federacije Bosne i Hercegovine

5. Donošenje odluke o potvrđivanju kandidata za izbor predsjedavajućeg i zamjenika predsjedavajućeg Skupštine Kantona Sarajevo.

Prije nego što pređemo na realizaciju Dnevnog reda imam obavezu upoznati vas da su dostavljene Odluke Centralne izborne komisije BiH,

broj: 06-1-07-1-4656/22 od 11.11.2022.godine, sljedećem kvalificiranom kandidatu sa liste političkog subjekta Stranka za Bosnu i Hercegovinu - SBIH,

broj: 06-1-07-1-4638/22 od 09.11.2022.godine, sljedećem kvalificiranom kandidatu sa liste političkog subjekta SDP-Socijaldemokratska partija BiH,

broj: 06-1-07-1-4651/22 od 11.11.2022.godine, sljedećem kvalificiranom kandidatu sa liste političkog subjekta SDP-Socijaldemokratska partija BiH,

čime im je dodijeljen mandat poslanika/ zastupnika u Skupštini Kantona Sarajevo.

Pozivam uvažene kolegice i kolege Gaković Elzu, Magoda Kenana i Avdić Samira da polože Svečanu izjavu. ja bih vas zamolio ovdje da izadete.

Molim zastupnike da daju Svečanu izjavu na taj način što ću ja tekst Svečane izjave čitati a vi ponavljati. Zamolio bih ostale zastupnice i zastupnike da ustanu.

“Svečano izjavljujem da ću povjerenu dužnost obavljati savjesno.

Pridržavati se Ustava zakona Bosne i Hercegovine Federacije Bosne i Hercegovine i Kantona Sarajevo.

Zalagati se za ljudska prava i slobode.

I da ću u svim prilikama štiti interese Bosne i Hercegovine, Federacije Bosne i Hercegovine i Kantona Sarajevo i ravnopravnost naroda i građana koji u njima žive”.

Poštovanim novoizabranim zastupnicama i zastupnicima u Skupštini Kantona Sarajevo, čestitam.

Želim vam sreću i uspjeh u narednom zastupničkom angažmanu. Također vam želim da ostvarite dobru, nadasve kolegijalnu saradničku klimu u Skupštini Kantona Sarajevo.

Prelazimo na treću tačku dnevnog reda.

AD-3.

KONSTITUISANJE KLUBOVA NARODA I KLUBA OSTALIH U SKUPŠTINI KANTONA SARAJEVO

U okviru ove tačke dnevnog reda upoznao bih vas sa odredbama člana 9. Poslovnika Skupštine Kantona Sarajevo koji regulišu konstituisanje klubova naroda.

Nakon davanja i potpisivanja svečane izjave, u Skupštini se osnivaju klubovi poslanika/zastupnika konstitutivnih naroda i Ostalih

Klubovi naroda su:

- Klub Bošnjaka;
- Klub Hrvata;
- Klub Srba i
- Klub Ostalih

Ako u Skupštini nema izabраниh predstavnika nekog od konstitutivnih naroda ili Ostalih, klub tog naroda neće biti osnovan.

Svaki klub naroda i Ostalih bira predsjednika, a može izabrati i zamjenika predsjednika, koji rukovode klubom i usklađuju njegov rad.

Poslovníkom o radu klubova naroda i Ostalih svaki će klub urediti način svoga rada.

U skladu sa citiranim odredbama Poslovnika Skupštine predlažem i pozivam vas da svi klubovi naroda i klub Ostalih održi svoje konstatirajuće sjednice i to:

klub Bošnjaka u sali broj 100.

Klub Hrvata u kancelariji u kancelariji broj 163

Kluba Srba u kancelariji broj 164 i

Klub Ostalih u kancelariji broj 105

Nakon konstituisanja klubova naroda i kluba Ostalih u Skupštini Kantona Sarajevo, politički subjekti koji su zastupljeni u odgovarajućim klubovima naroda i Ostalih ili svaki član jednog od tih klubova, nominiraju jednog ili više kandidata na listu na izbor delegata u Dom naroda Parlamenta Federacije Bosne i Hercegovine, te shodno nevedenom, prekidamo današnju sjednicu Skupštine Kantona Sarajevo do dostavljanja i ovjere kandidatskih listi, a o nastavku konstituirajuće sjednice blagovremeno ćemo vas obavijestiti. Hvala.

**STENOGRAM DRUGOG NASTAVKA KONSTITUIRAJUĆE SJEDNICE
SKUPŠTINE KANTONA SARAJEVO
ODRŽANOG 02.12.2022.GODINE**

Elvedin Okerić (Predsjedavajući)

U skladu sa članom 7. stav 2. Poslovnika Skupštine Kantona Sarajevo otvaram drugi nastavak Konstituirajuće sjednice Skupštine Kantona Sarajevo.

HIMNA BOSNE I HERCEGOVINE

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Poseban pozdrav upućujem gledaocima Televizije Kantona Sarajevo.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 35 zastupnika, što je dovoljan broj za punovažan rad i odlučivanje.

Izostanak sa ove sjednice nije niko pravdao.

Podsjećam vas da smo na prethodnim zasjedanjima koje je održano 11.11. i 21.11.2022.godine obradili prve tri tačke Dnevnog reda, tako da nam preostaju sljedeće tačke:

4. Izbor delegata u Dom naroda Parlamenta Federacije BiH;

5. Donošenje Odluke o potvrđivanju kandidata za izbor predsjedavajućeg ili zamjenika predsjedavajućeg Skupštine Kantona Sarajevo.

Prelazimo na realizaciju tačke 4.

AD-4.

IZBOR DELEGATA U DOM NARODA PARLAMENTA FEDERACIJE BiH

U skladu sa Uputstvom o postupku provođenja posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine u Dom naroda Parlamenta Federacije BiH iz Skupštine Kantona Sarajevo bira se 12 delegata i to: 4 iz reda Bošnjačkog naroda, 1 iz reda Hrvatskog naroda, 5 iz reda Srpskog naroda i 2 iz reda Ostalih.

Svaki delegat u Skupštini Kantona Sarajevo daje jedan glas za listu na kojoj je njegov odgovarajući klub. Izbor se vrši tajnim glasanjem. Glasanje se vrši na glasačkom listiću čiji izgled i sadržaj je utvrdila Centralna izborna komisija. Napomena koja je važna da znate: Glasanje se vrši stavljanjem znaka X u kvadratić pored naziva predlagača kandidatske liste (politički subjekt zastupljen u odgovarajućem klubu konstitutivnih naroda i ostalih ili svakog člana jednog od klubova). Glasati se može samo za jednu kandidatsku listu za izbor bošnjačkih, hrvatskih, srpskih delegata ili grupe ostalih u Dom naroda Parlamenta Federacije BiH. Glasački listić će biti nevažeći ukoliko se umjesto kandidatske liste označi ime kandidata na listi.

Komisija za izbor i imenovanja i administrativna pitanja Skupštine Kantona Sarajevo na sjednici održanoj dana 30.11.2022.godine provela je postupak žrijebanja i utvrdila redoslijed kandidatskih listi na glasačkim listićima.

Sada prelazimo na postupak glasanja. S obzirom da sam ja predsjedavajući Komisije za izbor i imenovanja i administrativna pitanja Skupštine Kantona Sarajevo, sada ću vas prozivati na način da

jedan po jedan zastupnik izlazi, preuzima glasački listić, glasa za govornicom i glasački listić ubacuje u glasačku kutiju.

Pozivam članove Komisije za izbor i imenovanja da sjednu u prvi red kako bi mogli pratiti izbor, proces glasanja.

Zamolio bih zamjenika Komisija izbor i imenovanja, zastupnika Handžića da uručuje listiće kako budem prozivao. E, hvala.

Idemo prvo sa glasanjem iz reda bošnjačkog naroda.

Zastupnik Ademović Kemal, zastupnik Avdić Samir, zastupnik Bandić Muamer, zastupnica Bešlija Vildana, zastupnik Čampara Aljoša, zastupnik Čengić Irfan, zastupnik Dević Mahir, zastupnica Gaković Elza, zastupnica Gavrankapetanović Smailbegović Fatima, zastupnica Hodžić Admela, zastupnica Izetbegović Sebija, zastupnik Kalem Adi, zastupnik Kapidžić Faruk, zastupnica Memića Arijana, Okerić Elvedin, zastupnik Pilav Ilijaz, zastupnik Pabrić Rusmir, zastupnik Selmanović Faruk, zastupnik Šaljić Jasmin, zastupnik Vreto Elvis, zastupnik Zahiragić Haris.

Sada ću prozivati zastupnice i zastupnike iz reda hrvatskog naroda: zastupnik Čičić Davor, zastupnica Hašimbegović Mariela, Danijela Kristić zastupnica, zastupnik Marjanović Damir.

Iz reda srpskog naroda: zastupnica Melank Miomirka, zastupnica Pekić Jelena, zastupnik Stojanović Igor, zastupnica Viteškić Smiljana, zastupnica Vujović Vedrana.

Zastupnik Handžić Vibor, zastupnica Klarić Sanela, zastupnik Magoda Kenan, zastupnik Uk Nihad, zastupnik Zuhrić Albin.

Zahvaljujem se zastupnicama i zastupnicima. Sada dajem pauzu od 30 minuta kako bi Komisija izvršila prebrojavanje glasačkih listića, sačinila zapisnik i izvijestila Skupštinu o rezultatima glasanja. Pauza 30 minuta.

NASTAVAK NAKON PAUZE

Elvedin Okerić (Predsjedavajući)

Nakon završenog glasanja Komisija je utvrdila da je glasalo 35 poslanika/zastupnika, nevažećih glasačkih listića nije bilo. Za listu za izbor delegata u Dom naroda Federacije Bosne i Hercegovine iz reda bošnjačkog naroda glasalo je 21 zastupnik i to:

kandidatska lista Ilijaz Pilav 1 glas, kandidatska lista Zahiragić Haris 6 glasova, kandidatska lista Narod i Pravda 2 - 4 glasa, kandidatska lista Stranka za Bosnu i Hercegovinu 5 glasova, kandidatska lista Narod i pravda 1 - 5 glasova.

Za listu za izbor delegata u Dom naroda Federacije Bosne i Hercegovine iz reda hrvatskog naroda glasala su 4 zastupnika. Kandidatska lista za Nove generacije 3 glasa, kandidatska lista Hašimbegović Marijela 1 glas.

Za listu za izbor delegata u Domu naroda Federacije Bosne i Hercegovine iz reda srpskog naroda glasalo 5 poslanika i to: kandidatska lista Naša stranka 1 glas, kandidatska lista Vujović Vedrana 1 glas, kandidatska lista SDP Socijaldemokratska partija BiH 2 - 1 glas. Kandidatska lista SDP Socijaldemokratska partija BiH 1 - 1 glas, kandidatska lista Viteškić Smiljana 1 glas.

Za listu izbor delegata u Domu naroda Federacije Bosne i Hercegovine iz reda Ostalih glasalo je 5 zastupnika i to: kandidatska lista Naša stranka 1 - 2 glasa, kandidatska lista SDP Socijaldemokratska partija BiH 1 glas, kandidatska lista Naša stranka 2 - 1 glas, kandidatska lista Albin Zuhrić 1 glas.

U skladu sa Uputstvom o postupku provođenja posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine kompletan izborni materijal s rezultatima glasanja dostavit će se Centralnoj izbornoj komisiji koja će utvrditi rezultate izbora.

Ja sada prekidam sjednicu s obzirom da su sjednice klubova naroda i ostalih zakazana za sljedeći petak 9. 12. 2022.godine, gdje će se vršiti izbor kandidata za predsjedavajućeg, odnosno zamjenika predsjedavajućeg Skupštine Kantona Sarajevo. Do tada živi i zdravi bili. Vidimo se ako Bog da. Prijatno.

S T E N O G R A M
TREĆEG NASTAVKA KONSTITUIRAJUĆE SJEDNICE
SKUPŠTINE KANTONA SARAJEVO
ODRŽANE 09.12.2022.GODINE

Elvedin Okerić (Predsjedavajući)

U skladu sa članom 7. stav 2. Poslovnika Skupštine Kantona Sarajevo otvaram treći nastavak Konstituirajuće sjednice Skupštine Kantona Sarajevo.

HIMNA BOSNE I HERCEGOVINE

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Poseban pozdrav upućujem gledaocima Televizije Kantona Sarajevo.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 35 zastupnika, što je dovoljan broj za punovažan rad i odlučivanje.

Izostanak sa ove sjednice nije niko od zastupnika pravdao.

Podsjećam vas da smo na prethodnim zasjedanjima koje je održano 11.11, 21.11 i 02.12.2022.godine obradili četiri tačke Dnevnog reda, tako da nam preostaje peta tačka dnevnog reda, koja glasi:

5. Donošenje Odluke o potvrđivanju kandidata za izbor predsjedavajućeg ili zamjenika predsjedavajućeg Skupštine Kantona Sarajevo.

Prelazimo na realizaciju tačke pet:

AD-5.

DONOŠENJE ODLUKE O POTVRĐIVANJU KANDIDATA ZA IZBOR PREDSEDVAJUĆEG /ZAMJENIKA PREDSEDVAJUĆEG SKUPŠTINE KANTONA SARAJEVO

U skladu sa odredbama člana 10. Poslovnika Skupštine Kantona Sarajevo svaki klub naroda i ostalih bira i predlaže među svojim članovima jednog kandidata za mjesto predsjedavajućeg ili zamjenika predsjedavajućeg Skupštine.

Shodno navedenom, sada pozivam predsjednike klubova naroda i ostalih da Skupštini saopće odluke o izboru i prijedlozima kandidata za mjesto predsjedavajućeg odnosno zamjenika predsjedavajućeg Skupštine Kantona Sarajevo.

S obzirom da sam predsjednik KLUBA BOŠNJAKA, upoznat ću vas sa Odlukom koju je na sjednici održanoj dana 09.12.2022.godine, donio Klub Bošnjaka u Skupštini Kantona Sarajevo:

Klub Bošnjaka u Skupštini Kantona Sarajevo bira i predlaže OKERIĆ ELVEDIN-a kao kandidata za mjesto predsjedavajućeg odnosno zamjenika predsjedavajućeg Skupštine Kantona Sarajevo.

Sada bih zamolio predsjednika Kluba Hrvata zastupnika Čičić Davora da Skupštinu Kantona Sarajevo upozna sa odlukom Kluba Hrvata u vezi sa izborom i prijedlogom kandidata za mjesto predsjedavajućeg odnosno zamjenika predsjedavajućeg Skupštine Kantona Sarajevo.

Davor Čičić (zastupnik)

Zahvaljujem predsjedavajući. Klub Hrvata predlaže Danijelu Kristić kao kandidata za mjesto predsjedavajuće odnosno zamjenika predsjedavajuće Skupštine Kantona Sarajevo.

Elvedin Okerić (Predsjedavajući)

Zahvaljujemo se predsjedniku Kluba Hrvata zastupniku Davoru Čičiću .

A sada, molim predsjednika Kluba Srba zastupnika Igora Stojanović da obavijesti Skupštinu i upozna sa odlukom Kluba Srba.

Igor Stojanović (poslanik/zastupnik)

Hvala predsjedavajući. Klub Srba predlaže Igora Stojanovića, odnosno mene za predsjedavajućeg ili zamjenika predsjedavajućeg u Skupštini Kantona Sarajevo.

Elvedin Okerić (Predsjedavajući)

Zahvaljujemo se predsjedniku Kluba Srba gospodinu Stojanoviću.

Sada, molim predsjednika Kluba Ostalih gospodina Uk Nihada da Skupštinu Kantona Sarajevo upozna sa odlukom Kluba Ostalih.

Nihad Uk (poslanik/zastupnik)

Hvala predsjedavajući. Srdačan pozdrav vama i kolegama zastupnicima i gledaocima pored malih ekrana. Na maločas održanoj sjednici Kluba Ostalih jednoglasno je Klub podržao gospodina Handžića da ide u rukovodstvo Skupštine Kantona Sarajevo.

Elvedin Okerić (Predsjedavajući)

Zahvaljujem se predsjedniku Kluba Ostalih gospodinu Uk Nihadu.

Shodno prethodno iznesenim prijedlozima klubova naroda i ostalih, Prijedlog odluke o potvrđivanju kandidata za izbor na mjesto predsjedavajućeg ili zamjenika predsjedavajućeg Skupštine Kantona Sarajevo, glasi:

O D L U K A

**O POTVRĐIVANJU KANDIDATA ZA MJESTO PREDSJEDAVAJUĆEG ILI ZAMJENIKA
PREDSJEDAVAJUĆEG SKUPŠTINE KANTONA SARAJEVO**

I

Potvrđuju se kandidati za izbor na mjesto predsjedavajućeg ili zamjenika predsjedavajućeg Skupštine Kantona Sarajevo:

Elvedin Okerić, iz reda bošnjačkog naroda,
Danijela Kristić, iz reda hrvatskog naroda,
Igor Stojanović, iz reda srpskog naroda,
Vibor Handžić, iz reda Ostalih.

II

Kandidati iz tačke I ove odluke odlučuju između sebe ko će biti predsjedavajući Skupštine Kantona Sarajevo i odluku saopćavaju Skupštini.

III

Odluka stupa na snagu danom donošenja i objavit će se u "Službenim novinama Kantona Sarajevo".

Molim zastupnice i zastupnike da pristupi izjašnjavaњу o Prijedlogu odluke o potvrđivanju kandidata za mjesto predsjedavajućeg ili zamjenika predsjedavajućeg Skupštine Kantona Sarajevo.

Zaključujem glasanje. Molim službu da objavi rezultate glasanja.

Za glasanje 31 zastupnik protiv ništa suzdržana 4.

Konstatujem da je Skupština donijela odluku o potvrđivanju kandidata za mjesto predsjedavajućeg ili zamjenika predsjedavajućeg Skupštine Kantona Sarajevo.

Čestitam novoizabranim kandidatima na mjesto predsjedavajućeg ili zamjenika predsjedavajućeg iz reda bošnjačkog, hrvatskog, srpskog naroda i reda Ostali.

Obavještavam vas da u skladu sa članom 10 stav 3 Poslovnika Skupštine kantona Sarajevo četiri kandidata čiji je izbor potvrdila Skupština između sebe odlučuju ko će biti predsjedavajući Skupštine Kantona Sarajevo. Stoga predlažem pauzu desetak minuta a zamolio bih. Molim?

Zbog zapisnika, samo zbog službi. Ako završimo prije doći ćemo.

Pauza evo 10 minuta. Sada bi zamolio da, predstavnike klubova naroda, izađu sa mnom gore u drugu prostoriju. Hvala vam.

NASTAVAK NAKON PAUZE

Elvedin Okerić (Predsjedavajući)

Dame i gospodo, cijenjeni zastupnici, poštovani članovi Vlade i gosti, predstavnici medija, čast mi je i zadovoljstvo da mogu da vam saopćim da su potvrđeni kandidati za mjesto predsjedavajućeg odnosno zamjenike predsjedavajućeg jednoglasno. Za predsjedavajućeg Skupštine Kantona Sarajevo moje kolege su predložile mene, moju malenkost, Elvedina Okerića. Zahvaljujem se gospođi Danijeli Kristić, Vboru Handžiću i zastupniku Igoru Stojanoviću na jednoglasnom usvajanju prijedloga i podrške meni da naredne četiri godine obnašam funkciju predsjedavajućeg Skupštine Kantona Sarajevo. Također bih iskoristio priliku da se zahvalim kolegici Smiljan Viteškić, bivšoj dopredsjedavajućoj Skupštine Kantona Sarajevo. Da nam zaželim zajedno puno sreće i napornog rada u Skupštini Kantona Sarajevo u interesu, prije svega građana Kantona Sarajevo i države Bosne i Hercegovine.

S obzirom da smo iscrpili današnji dnevni red završavamo konstituirajuću sjednicu i blagovremeno će biti obaviješteni o zakazivanju naredne sjednice. Hvala vam.